

A través da Biblioteca podes atopar información para realizar os traballos de clase ou de investigación, as prácticas, completar apuntamentos, estar ao día na túa profesión, preparar as clases e acceder a materiais de lectura como novelas e cómics.

HORARIO E CONTACTO

De luns a venres de **8:30 a 21:30**.
Modifícase nalgunas datas.

Teléfono: 881012769

Correo electrónico: biblioteca.euatac@udc.gal

Redes sociais:   

ORGANIZACION

A Biblioteca dispón de 144 postos de lectura en tres plantas.

Na **planta baixa** atópase o mostrador de información e préstamo, os expositores de novidades, CDs e DVDs, o cuarto de reprografía cun escáner A4 e fotocopiadora (que funciona con tarxetas que se compran en Reprografía), 5 ordenadores (para consulta de recursos da biblioteca) e parte do fondo bibliográfico (ata a signatura 69).

Na **planta 1** atópase o resto do fondo bibliográfico (desde a signatura 691), un ordenador e a Hemeroteca.

Na **planta 2** temos unha sala para traballo en grupo cos libros do número 9 e as obras de referencia (Signatura 03).

WEB DA BIBLIOTECA

Usa a web da Biblioteca <https://www.udc.es/biblioteca/>

-Para acceder ao [catálogo](#): buscar libros, consultar a bibliografía recomendada, ver as novidades, consultar o teu rexistro de usuario, reservar libros prestados, renovar...

-Para acceder a outros recursos e servizos: consultar [bases de datos](#), [revistas electrónicas](#), solicitar procuras bibliográficas, [préstamo interbibliotecario](#) (doutras bibliotecas que non son da UDC), consultar as [infoquías](#), acceder ao xestor de bibliografía [Refworks](#), ao Repositorio da UDC ([RUC](#))...

Tamén podes empregar a nosa web:
<https://www.udc.gal/gl/biblioteca.euat/>

Acceso desde fora da UDC:

Para acceder a parte destes recursos (bases de datos, revistas e libros electrónicos) desde un ordenador que non estea na rede UDC hai dúas opcións: acceder vía web da biblioteca autenticándose tal e como se indica en la páxina [Acceso desde fuera](#); acceder vía catálogo previa [identificación como membro da comunidade universitaria da UDC](#)

COMO ENCONTRO...

... un libro?

-Consulta o catálogo, mira se está dispoñible, anota a signatura e búscalo no andel.

Nos laterais dos andeis atoparás as signaturas que se corresponden a materias. (Por exemplo, se a signatura que buscas é 69/0100 debes buscar o andel do 69 que é Construción e nela o 100).

-Se a signatura empeza por **DEP**, ese libro está en Depósito e has de solicitálo no mostrador.

Todo o material que temos en Depósitos **non sempre se pode server no momento**.

-Tamén podes ir directamente aos andeis. A maioría dos fondos atópanse en acceso directo seguindo unha **clasificación por materias**:

NA PLANTA BAIXA:

004 Informática
004:69 Informática e edificación
004:72 Arquitectura dixital
006 Normas
33 Economía
34 Dereito, lexislación
378 Educación e Socioloxía
504 Medio ambiente
504:72 Arquitectura e medio ambiente, sustentable
51 Matemáticas
515 Xeometría descritiva
528 Topografía
528.4 Orzamentos, medicións, valoracións...
53 Física e acústica
624 Estruturas
624.1 Mecánica do chan, cimentacións
628 Instalacións
658 Organización de empresas, obras, calidade...
659 Catálogos comerciais

69 Construción
DVD
CD-ROM

NA PLANTA 1:

691 Materiais
699 Seguridade e hixiene
7 Historia da arte
71 Urbanismo
712 Xardíns e paisaxismo
72.01 Teoría arquitectónica, tratados
72.02 Restauración e rehabilitación. Patoloxía
72.03 Historia da arquitectura e da construción
72.067 Arquitectura popular
721 Edificios
74 Debuxo
747 Interiorismo
76 Artes gráficas e Deseño
77 Fotografía
802 Gramáticas, Literatura
M (Monografías) Sobre un arquitecto
BIC AQT Biblioteca de interese cultural: novela, cómic.

NA PLANTA 2:

9 Xeografía e Historia
03 Dicionarios e obras de referencia

- Os libros que levan un **punto vermello** no lombo son de consulta na sala.

... libros electrónicos?

-Localiza entre os resultados dunha busca no catálogo os libros que teñen unha ligazón **Dispoñible en liña** ou filtra os resultados por **Dispoñibilidade: En Liña**.

... bibliografía recomendada?

-Consulta a través de la sección del [catálogo Bibliografía Recomendada](#). Podes buscar por nome da materia, código (que figura na guía docente) ou profesor. Na nosa web hai [listaxes](#) por cursos.

- No andel son recoñecibles porque os libros levan no lombo unha **etiqueta amarela B.R.**

... unha norma UNE?

-Podes consultar as normas UNE a través da base de datos [Aenormás](#). Sírveche da axuda da [guía](#) do Servizo de Biblioteca da UDC.

... unha revista?

- Búscala no catálogo. Mira se ten acceso a texto completo ou aos índices electrónicos, pode ser útil. Comproba se a temos na nosa biblioteca e se hai o número que buscas.

-Na planta 1, na **Hemeroteca**, os últimos números das revistas **abertas** están expostos por orde alfabética e abrindo o expositor atopamos os números do ano en curso e o anterior.

- As revistas non se prestan. Podes escanearlas ou fotocopialas respectando os dereitos de propiedade intelectual.
- Á beira dos expositores da Hemeroteca, temos cartafolios con **sumarios** fotocopados.

... artigos?

-Consulta o catálogo [Crunia](#), [bases de datos](#), sumarios electrónicos ([Dialnet](#)) e revistas electrónicas.

... Proxectos de Fin de Carreira/Grao ou Mestrado?

-Búscalos no catálogo, anota a signatura (comezará **TFC**, **PFG**, ou **TFM**) e pídeos en mostrador.

Os que estan en CD-ROM poderás consultalos nos 2 ordenadores reservados para iso.

Os que están en papel (**TFC**) están no **depósito** e non se serven no momento.

- Lembra, podes tomar nota, pero **non copialos, nin fotocopiarlos e non se prestan.**

-Os **Traballos Fin de Grao e Fin de Máster** recentes estan en pdf no Repositorio da Universidade ([RUC](#)).

- Non esquezas citalos para non cometer plaxio.

... mapas?

-Búscalo no catálogo e pídeo no mostrador.

-Os **topográficos de Galicia** podes buscalos nun mapa de Galicia e solicitar no mostrador o que che interesa.

... CDs, DVDs e Videos?

-Busca no catálogo, anota a signatura e pídeo no mostrador ou búscalo ti mesmo nos caixóns.

PRESTAMO

Se es estudante da UDC podes levar en préstamo **10 documentos durante 10 días**, de calquera biblioteca da UDC. Se estás co Fin de Grao, 15 documentos durante 21 días.

Tes que presentar o tarxeta universitaria ou o DNI. E has de estar validado no servizo de identificación corporativa da Universidade.

- Hai algúns fondos con préstamo diferente: **un mes** a Biblioteca de Interese Cultural (BIC) e **tres** días materiais de uso moi frecuente.

Se o documento está noutra biblioteca da UDC, podes facer unha solicitude de **préstamo intercentros** e elixir en que biblioteca recollelo. Podes devolver os teus préstamos en calquera biblioteca da UDC.

Renovacións:

Poden renovarse se non teñen unha reserva (os préstamos de tres días só se renovarán dúas veces).

- Podes renovar presencialmente, por teléfono (881012769) ou [a través da web](#) da biblioteca.

Reservas:

A través do Catálogo podes reservar **exemplares que estan prestados**, tamén podes facelo no mostrador da biblioteca.

Penalizacións:

Se te atrasas na devolución, sancionarásese sen poder levar libros por un número de días (cun máximo de 40) igual á suma dos días de atraso de cada un dos libros.

Avisos:

Consulta o teu correo UDC para ver se os teus préstamos estan próximos a vencer e para ter información da chegada ou cancelación das tuas reservas.

OUTROS SERVIZOS

Préstamo de ordenadores portátiles

Dándoches de alta no servizo, podes coller prestado un notebook durante unhas horas para utilizalo no centro.

Servizo de taquillas

Podes usar as taquillas que temos á entrada da biblioteca, (teñen que estar baleiras ao fin do día).

GUÍA BÁSICA DA BIBLIOTECA



Biblioteca da Escola Universitaria de
Arquitectura Técnica

Teléfono: 881012769

Correo electrónico: biblioteca.euatac@udc.gal

Setembro 2023

